



ARREST DE LA COUR DE PARLEMENT, ensemble la censure de Sorbonne, contre le liure de Iean Mariana, in- titulé *De Rege & Regis Institutione.*



N l'an du Seigneur 1610. Comme ainsi soit que la sacrée faculté de Theologie n'ait peu tenir ses assemblées aux iours assignez & ordinaires, le premier ou deuxiesme Iuin à raison des festes de Pentecostes, & des congregations particulieres des personnes d'esslite de l'ordre de Theologie, qui s'estoient faites pour meurement peser l'affaire qui se presente; elle les auroit remis au 4. Iuin: Et auroit conuocqué dans le College de Sorbonne tous les Maistres de Theologie en vertu de l'obeissance que par sermant presté, ils ont promis à la faculté: Où apres la celebration de la Messe du S. Esprit, à la maniere accoustumée, ils ont deliberé sur l'execution de l'Arrest de la Cour, duquel voicy la substance.

La Cour de Parlement, les grand Chambre,

Tournelle, & de l'Edict assemblées, procedant au iugement & au procez criminel & extraordinaire, instruit à la requeste du Procureur General du Roy, à l'encontre du tres-detestable, tres-cruel, & tres-execrable parricide commis en la personne du Roy HENRY 14. Ouy le Procureur General du Roy: Elle à ordonné & ordonne, que a la diligence & sollicitation du Doyen & Syndic de la faculté de Theologie, ladicte faculté soit incontinent conuquée, pour deliberer sur la confirmation d'un Decret de la susdicte Faculté, qui fut arresté par cent quarante & vn Theologiens de la mesme Faculté, le 13. Decembre 1413. Lequel depuis fut confirmé par l'autorité du Concile de Constâce: Par lequel Decret il est arresté, qu'il n'est loisible à aucū, pour quelque occasion que ce soit, pour quelque cause ou pretexte que l'on puisse prendre, d'attenter aux personnes sacrees des Roys, & autres Princes souverains. Puis apres, que le Decret qui sera arresté en la Congregation de ladite Faculté, soit corrobore par les signatures de tous les Docteurs qui auront assisté à la Congregation, & à la deliberation: Et encor de celuy de tous les Bacheliers, qui font leurs cours en Theologie, afin que oüy sur ce le Procureur General du Roy, la Cour ordonne ce qui sera iuste & de raison. Donné en Parlement, le 27. de May 1610. Signé Voysin.

Parquoy ladite sacree Faculté afin d'obtemperer au mādement de noz souverains Seigneurs, qui enjoignent chose tāt iuste & necessaire. S'est assēblee premieremēt en congregation particuliere, & puis publiquemēt. Or considerāt qu'il despēdoit de son

deuoir de faire entendre sa censure & son iugement doctrinal à tous ceux qui le requierent. Et que l'Vniuersité de Paris, dès son premier establisement, à esté perpetuellement la mere & la nourice de tres-bône & tres-seine doctrine: Que le bien & le repos de la Republique despèdoit de l'ordre: Et que l'ordre & la paix, selon Dieu qui est tres-bon & tres-grand, despèdoit du salut des Roys & des Princes, & qu'il n'appartient qu'au Prince seul, ou au Magistrat Politique d'vser du glaiue: Et que d'abondant depuis peu d'années en ça il y auoit quelques maximes estrâges, seditieuses, & impies, qui auoient pris force: par le moyen desquelles plusieurs hommes particuliers auoient esté alienez de leur bon sens: souïllans les Roys (qui sont sacrez) & les Princes, du nom execrable de Tyrans: Et que soubz ce pre-
 texte; comme aussi sous ombre de Religion, de pieté, ou d'aider, & procurer le bien public, ils conspiroient contre les personnes sacrees des Roys, & ensanglantent leurs mains parricides de leur sang, sans auoir horreur de ce qu'ils ouurent tout à l'instant vne fenestre bien l'arge à la perfidie, aux fraudes, aux embusches, aux trahisons au meurtre des peuples qui s'entretuent, à la ruine des Villes, des Provinces, & des Royaumes les plus florissans, & autres genres de meschancetez qui ne se peuuent raconter, qui ont accoustumé d'accompagner les guerres ciuilles & estrâgeres: En outre que telles maximes pestiferes & diaboliques, sont cause auourd'huy que ceux qui se sont reuoltez de l'Eglise Catholique Romaine, s'endurcissent en leur erreur, & fuyent & detestent les hômes de Religion, les Do-

teurs, & Prelatz Catholiques, encor qu'ils n'en peuuent mais, comme si c'estoint eux qui enseignassent telles choses, ou qui leur donnassent autorité.

Ceste mesme Faculté, dis-ie, considerant telles & semblables choses avec meure attention. D'un consentement vnanime, & d'un courage deliberé, elle a en execration & condamne telles maximes estranges & pleine de sedition, comme estans impies, heretiques contraires en tout à la société civile, à la paix, & tranquillité publique, & a la Religion Catholique. En foy & tesmoignage dequoy, elle à estimé qu'elle deuoit de nouveau renouveler le Decret ancien qui fut arresté il y a deux cens ans, par cent quarente & vn Theologiens, pour condamner ceste execrable proposition que voicy.

Tout tyran peut & doit licitement & meritoirement estre occis par quelcōque sien vassal ou subiect, & par quelque maniere que ce soit, par embusches ou par artifices de flatterie, nonobstant quelque serment ou confederation faicte entre ses mains, sans attendre sentence ou mandement de Iuge quelconque.

Telle assertion generalmente ainsi posée, & selon que se prend ce mot (Tyran) est vn erreur en nostre foy, & en la doctrine des mœurs: & est cōtre le Commandement de Dieu, *Tu ne turas point*, si nous nous y ingerōs de nostre propre autorité; & cōtre ce que dit nostre Seigneur, *Tous ceux qui auōt pris le glaive, perirōt par glaive*: Item telle assertiō rend à la subuersion de toute Republique, & de chaque Roy ou Prince. Item elle ouure le chemin & la li-

cence à plusieurs autres maux, & aux fraudes, & aux violemens de la foy, & du serment, & aux trahisons: Et generally à toute desobeissance du subject enuers son Seigneur, & à toute infidelité & deffiance des vns enuers les autres: Et consequemment à damnation eternelle: Item celuy qui asseure obstinement vn tel erreur, & autres qui viennent en consequence, est heretique; Et comme heretique doit estre puny, mesme apres sa mort. Soit notté dans les Decretz xxiii. ix. v. &c. Fait l'an 1413. le Mercredy 13. de Decembre.

Laquelle censure de la Faculté de Paris, fut approuuée au Concile de Constance, session 15. en l'an 1415. le sixiesme iour de Iuillet, en ces mots: Ce saint Synode voulât par vn souuerain esgard auoir soin de pouruoir à l'extirpation des erreurs, & des heresies qui se font paroistre en diuerses parties du monde, ainsi qu'elle est tenuë de le faire, & que pour cest effect elle à esté assemblée; Elle à esté depuis n'aquere aduertie que quelques assertions erronees en la foy, & es bonnes mœurs, & qui sont en beaucoup de façons scandaleuses, & qui tendēt à subuertir tout l'estat & l'ordre de la chose publique, ont esté dogmatizée: entre lesquelles nous à esté deferée ceste assertion cy. Tout Tyran peut & doit licitement, & meritoirement estre occis par quelconque sien vassal ou subject: mesmes par embusches secretes, & subtils allechemens, ou flatteries, nonobstant quelque serment qu'il auroit presté, ou quelque alliance qu'il auroit faicte, mesme sans attendre sentence ou mandement de Iuge quelconque. Contre vn tel erreur de saint Syno-

de voulant se roidir asprement, & du tout le defraciner : Apres en auoir meurement deliberé, il declare, ordonne, & definit, que telle doctrine est erronée en la foy, & és bonnes mœurs : & la reprouue & condamne comme estant heretique, & scandaleuse, & qui ouure le chemin aux fraudes, deceptions, mensonges, trahisons, & pariuremens : Declare en outre, ordonne, & definit, que ceux qui soustiennent opiniastrémēt ceste doctrine trespernicieuse, sont hereretiques, & comme tels doiuent estre punis selon les sanctions Canoniques.

Donc ceste saincte faculté apres apres auoir bien exactement, & avec toute diligence consideré les opinions de tous & chacuns les Docteurs; Est d'avis, en premier lieu que ceste censure tres-ancienne faicte par la Faculté (laquella a esté conformée par la determination du Concile de Constance) doit estre non seulement reiterée, mais doit aussi estre souuent ramentuë dans les esprits des hōmes.

Secondement que c'est chose seditieuse, impie & heretique, que le sujet, le vassal, ou l'estranger, souz pretexte de quelque couleur qu'il puisse chercher, attente contre la personne sacrée des Roys & des Princes.

En troisieme lieu elle ordonne, que tous les Docteurs & Bacheliers de Theologie, au iour qu'ils ont accoustumé de iurer les statuts & articles de la Faculté, prestent aussi le serment sur ce Decret, & rendent tesmoignage par l'apposition de leur seing qu'ils exposeront avec toute diligence, soit en enseignant, ou en leurs sermons, la verité d'iceluy.

Quartement, que ces actes soient imprimez,

tant en Latin qu'en François, & soient publiez. Du
mandement de Monsieur le Doyen, & de la sacrée
Faculté de la Theologie de Paris, signé de la Cour.
Par collation, Voysin.

VE v par la Cour, les grand Chambre, Tournel-
le, & de l'Edict assemblees, le Decret de la Fa-
culté de Theologie, assemblee le 4. du present mois
de Iuin, suiuant l'Arrest du 27. May precedent, sur
le renouvellement de la sensure doctrinale de la-
dite Faculté faite en l'an 1413. cōfirmee par le saint
Concile de Constance. Que c'est heresie plei-
ne d'impieté, de maintenir qu'il soit loisible aux su-
iets ou estrangers, sous quelque pretexte ou occa-
sion qui puisse estre d'attenter aux personnes sa-
crees des Roys & Princes souuerains: Le liure de
Iean Mariana, intitulé *De Rege & Regis institutione*.
Imprimé tant à Majence, que autres lieux, conte-
nant plusieurs blasphemés execrables contre le
feu Roy Henry 3. de tres-heureuse memoire, les
personnes & estats des Roys, & Princes souuerains
& autres propositions contraires audict Decret;
Conclusions du Procureur General du Roy, la ma-
tiere mise en deliberation.

Ladiete Cour a ordonné & ordonne. Que ledict
Decret du 4. du present mois de Iuin, sera en regi-
stré es registres d'icelle ouy, & ce requerant le Pro-
cureur General du Roy, & leu par chacun an à pa-
reil iour de Dimanche es prosnes des Parroisses de
ceste ville & fauxbonrgs de Paris. Ordonne que le
liure de Mariana sera brulé par l'executeur de la
haute Iustice, deuant l'Eglise de Paris: Et à faict, &

faict inhibitions & deffences à toutes personnes de quelque estat, qualité, condition qu'elles soient, sur peine de crime de leze Majesté, d'escrire ou faire Imprimer aucuns liures ou traictez cōtreuenans audit Decret, & Arrest d'icele. Ordōne que coppies collationees aux originaux dudit Decret, & présent Arrest serōt enuoyees aux Bailliages, & Senechaufsees de ce ressort, pour y estre leuës & publiées en la forme & maniere accoustumee. Et outre es Profnes des Parroisses des Villes, fauxbourgs, & autres bourgs, le premier Dimanche du mois de Iuin. Enjoinct aux Baillifs & Seneschaux proceder à la dicte publication : & aux Substituts du Procureur General du Roy, tenir la main à l'exécution, & certifier la Cour de leur diligence.

Faict en Parlement le huictiesme de Iuin, 1610.